

卷之四

春秋內傳古注輯存

下冊

東吳 嚴 蔚 豹人

昭公

經元 楚公子圍 陳公子招

穎氏曰臣無竟外之交故去弟以貶季友子招樂憂
故去弟以懲過鄭段去弟唯以名通故謂之貶今此
二人皆書公子公子者名號之美稱非貶詞也正義

三月取鄆

賈逵曰楚以伐莒來討故諱伐不諱取正義

傳告于莊共之廟而來

服氏云莊謂楚莊王圍之祖共王圍之父儀禮聘禮疏

楚公子圍設服離衛

服虔云離衛二人執戈在前在國居君離宮陳衛在

門正

蒲宮有前不亦可乎

服虔云蒲宮楚君離宮言令尹在國已居君之宮出

有前戈不亦可乎正義。蔚案蒲宮即周禮帷宮

吾代二子愍矣

服虔云愍憂也代伯州犂憂公子圍代子羽憂子皙

正義

周有徐奄

賈逵曰書序曰成王伐淮夷遂踐奄徐即淮夷正義

服虔云一曰魯公所伐徐戎也正義

吾與子弁冕端委

服虔云禮衣端正無殺故曰端文德之衣尙褻長故

曰委正義

十里舍車自雍及絳歸取酬幣終事八反

服虔以為每於十里置車一乘千里百乘以次相授

車率皆日行一百六十里謂從絳向雍去而復還一

享之間八度至也正義

兩於前伍於後專為右角參為左角

服虔引司馬法云五十乘為兩百二十乘為伍八十

一乘為專二十九乘為參二十五乘為偏正義正

居於曠林

賈逵曰曠大也史記鄭世家注

后帝不滅

賈逵曰后帝堯也滅善也史記鄭世家注

遷闕伯于商正主辰

賈逵曰商正在漳南史記鄭世家注

服虔曰辰大火主祀也史記鄭世家注

商人是因

服虔曰商人契之先湯之世祖相土封闕伯之故地

因其故國而代之史記鄭世家注

遷實沈于大夏主參

賈逵曰陶唐之劉累也劉昭續漢書注

服虔曰大夏在汾澮之間主祀參星史記鄭世家注

唐人是因以服事夏商

賈逵曰唐人謂陶唐氏之劉累也事夏帝孔甲封

于大夏因實沉之國子孫以服事商也史記鄭世家注

服虔以唐人即是劉累正義正

其季世曰唐叔虞

服虔以為唐叔虞即下句邑姜所生者也正義正

當武王邑姜方震大未

服虔曰邑姜武王后齊太公女史記晉世家注

夢帝謂已

賈逵曰帝天也已武王也史記鄭世家注正義

故參為晉星

賈逵曰晉主祀參參為晉星史記鄭世家注

昔金天氏有裔子曰昧為冥師

服虔曰金天少皞也冥水官也師長昧為水官之

長史記鄭世家注

生允格臺駘

服虔曰允格臺駘兄弟也史記鄭世家注

臺駘能業其官

服虔曰修昧之職史記鄭世家注

宣汾洮

賈逵曰宣猶通也汾洮二水名史記鄭世家注水經涑水注

障大澤

服虔曰陂障其水也史記鄭世家注

以處大原

服虔曰太原汾水名

史記鄭世家注

帝用嘉之

服虔曰帝顓頊也

史記鄭世家注

沈姒蓐黃

賈逵曰四國臺駘之後也

史記鄭世家注

今晉主汾而滅之矣

賈逵曰滅四國

史記鄭世家注

山川之神則水旱癘疫之灾於是乎祭之

鄭司農云祭日月星辰山川之祭也

周禮大祝注

賈逵以為營攢用幣

正義

服虔曰禋為營攢用幣也若有水旱則禋祭山川之

神以祈福也

史記鄭世家注

勿使有所壅閉湫底

服云湫著也底止也

釋文

於是其煩手淫聲

服君謂鄭重其手而音淫過

公羊莊十七年疏。蕝案鄭重猶煩煩也。

六氣曰陰陽風雨晦明也

賈逵服虔以風東方雨西方又云陰中央晦北方明

南方唯天陽不變

詩漸漸之石正義

風淫末疾

賈逵曰以末疾為首疾謂風眩也

正義。蔚案易言本末末在上侍中

云首疾近之杜以末為四肢雖据素問義不當也

伍舉問應為後之辭焉

服虔曰問來赴者

史記楚世家注

趙孟適南陽將會孟子餘

服虔以孟為趙盾子餘為趙衰

正義

甲辰朔烝于温

服虔云甲辰朔夏十一月朔也

正義

服又曰祭人君用孟月人臣用仲月

禮王制正義

傳

二年觀書於大史氏

鄭司農云史官主書

周禮小史注

吾乃今知周公之德與周之所以王也

鄭眾賈逵等或以為卦下之彖辭文王所作爻下之

象辭周公所作

正義

鄭眾賈逵以易有箕子之明夷東鄰殺牛皆以為易

之爻辭周公所作

春秋序正義

宣子譽之

服虔曰譽游也宣子游其樹下夏諺曰一游一譽為

諸侯度

正義。蔚案小學至晉而亾王右軍俗書其尤甚者也譽訓為游當依服說

少姜有寵于晉侯晉侯謂之少齊

服虔云所以寵異不與齊衆女字等言齊國如此好

女甚少正義

晉侯使郊勞

服虔云近郊三十里詩駟正義

傳三年火中寒暑乃退

服虔云火大火星也季冬十二月平旦正中在南方

大寒退季夏六月黃昏火星中天暑退是火爲寒暑

之候事也詩七月正義

以備內官焜耀寡人之望

服虔云焜明也耀照也言得備妃嬪之列照明已之

意望也正義

而三老凍餒

服云三老工老商老農老也釋文。蔚案古有三官見荀子及呂氏春秋服

故云然孔氏以民有四不宜以三種之民爲三老獨遺士也不知四民始于管仲治齊前此未之有也且

士出于農穎達素號淹博豈不知耶

而或燠休之

賈云燠厚也休美也釋文

服虔云燠休痛其痛而念之若今時小兒痛父母以

口就之曰燠休代其痛也正義

其相胡公

服虔曰相隨也正義

讒鼎之銘

服虔云讒鼎疾讒之鼎明堂位所云崇鼎是也一云

讒地名禹鑄九鼎於甘讒之地故曰讒鼎正義。蔚案古崇讒

音同服說有據

子豐有勞於晉國

服虔云鄭僖公之為太子豐與之俱適晉正義

傳年四三塗

服虔曰塗道也三塗太行轅轅峭澗也正義。水經伊水注

古者日在北陸而藏冰西陸朝覲而出之

服氏云陸道也北陸言在謂十二月日在危一度西

陸朝覲不言在則不在昴謂二月在婁四度謂春分

時奎婁晨見東方而出冰是公始用之周禮漿人疏

服虔以為二月日在婁四度春分之中奎始晨見東

方以是時出冰月令仲春天子乃獻羔啟冰是也正義

其出之也朝之祿位賓食喪祭於是乎用之

服虔云祿位謂大夫以上賓客食喪有祭詩七月正義

服又謂二月日出在婁四度春分之中奎始晨見東

方蟄虫出矣故以是時出之給賓客喪祭之用詩七月正義

以享司寒

服虔云司寒司陰之神 冥也將藏冰致寒氣故祀

其神詩七月正義

桃弧棘矢以除其災

服虔云桃所以逃凶也棘矢者棘赤有箴取其名也

蓋出冰之時置此弓矢於凌室之戶所以禳除凶邪

將御至尊故慎其事為此禮也正義

火出而畢賦

服虔云火出於夏為三月於商為四月於周為五月

周禮漿人疏

秋無苦雨

服虔云害物之雨民所苦詩甫田正義

成有岐陽之蒐

賈逵曰岐山之陽史記楚世家注

康有鄴宮之朝

服虔云鄴宮成王廟所在也史記楚世家注

吾用齊桓

服虔云召陵之役齊桓退舍以禮楚靈王今感其意

是以用之正義

寡君將墮幣焉

服虔云墮輸也言將輸受宋之幣於宗廟正義。詩正月正義

夏桀為仍之會有緡叛之

賈逵曰仍緡國名也史記楚世家注

商紂為黎之蒐東夷叛之

服虔曰黎東夷國名也子姓史記楚世家注

鄭子產作工賦國人謗之

服虔以為子產作工賦者賦此一工之田使之出一

馬三牛復古法耳工賦之法不行久矣今子產復修

古法民以為貪故謗之正義。蔚案左傳作工賦當從子春說為允至于春秋作

工甲穀梁之說最為得之

蔡及曹滕其先亾乎

服虔云齊景亾滕隱七年正誼

饗大夫以落之

服虔云饗以豶豚為落詩斯干正義

傳五卿喪自朝

服虔云言卿葬三辭於朝從朝出正門卿佐國之楨

幹君之股肱必過於朝重之也正義。蔚案杜注杜撰也當從服氏經學

荒於晉自何晏之論王弼之易杜預之左出而漢儒之說廢矣

使亂大從

服虔云使亂大和順之道也釋文

明而未融

服虔曰融高也

詩東方之日正義

享頰有璋

鄭氏先儒以為朝聘之禮使執玉以授主國之君乃

行享禮獻國之所有頰見也謂行享禮以見主國之

君也

正義

鄭服皆以享為獻耳

釋文

飧有陪鼎

鄭司農云飧夕食也

周禮小宰注

服虔云陪牛羊豕鼎故云陪鼎

正義

叔禽叔椒子羽

賈逵云皆韓起庶子

正義

羊舌四族

服氏數伯華叔向叔魚季夙

正義

蕞啟疆待命于雩婁

服虔曰雩婁楚之東邑

史記吳世家注

傳

六年三辟之興皆叔世也

服虔云政衰為叔世叔世踰于季世季世不能作辟

也

儀式刑文王之德日靖四方

服虔云儀善式用刑法靖謀也言善用法文王之德

日日謀安四方正義

儀刑文王萬邦作孚

服虔云儀善也刑法也善用法者文王也言文王善

用其法故能為萬國所信也正義

藏爭辟焉

服虔云鑄鼎藏爭辟故今出火與五行之火爭明故

為災在器故稱藏也正義

不抽屋不强句

服虔云抽裂也言不毀裂所舍之屋也句乞也不就

人强乞也正義

士句相士鞅

古本土句或作士正董遇王肅本同俗本或誤為士

句正義

經七年暨齊平

賈逵以為魯與齊平正義

許惠卿以為燕與齊平正義

服虔云襄二十四年仲孫羯侵齊二十五年崔杼伐

我自爾以來齊魯不相侵伐且齊是大國無為求與

魯平此六年冬齊侯伐北燕將納簡公齊侯貪賄而

與之平故傳言齊求之也正義

四月甲辰朔日有食之

劉歆以為二月魯衛分漢書五行志下下

傳士臣阜阜臣興興臣隸隸臣僚僚臣僕僕臣臺

服虔云阜造也造成事也興眾也佐阜舉眾事也隸

隸屬於吏也僚勞也共勞事也僕僕豎主藏者也臺

給臺下微名也正義

馬有圍

鄭司農云養馬為圍周禮校人注

作僕區之法

服虔云僕隱也區匿也為隱匿人之法也釋文

日我先君共王

董遇註無日字正義

好以大屈

賈逵曰大屈寶金可以為劍大屈金所生地也正義

服虔曰大屈寶金可以為劍一曰大屈弓名魯連書

曰楚子享魯侯于章華與之大曲之弓既而悔之大

屈殆所謂大曲之弓也史記魯世家注

今夢黃能入于寢門

賈逵云能獸也正義

賜子產莒之二方鼎

服虔云鼎三足則圓四足則方正義

聖人之後也而滅於宋

服虔曰聖人謂商湯也孔子六代祖孔父嘉為宋華

督所殺其子奔魯也後漢書孔融傳注

及正考父

服虔曰正考父弗父何之曾孫史記孔子世家注

一命而僂再命而偃三命而俯

服虔曰僂偃俯皆恭敬之貌也史記孔子世家注

聖人有明德者若不當世

王肅曰謂若弗父何殷湯之後而不繼世為宋君也史記孔子世家注

歲時日月星辰是謂也

服虔以為歲星之神也左行于地十二歲而一周時

四時也日十日也月十二月也星二十八宿也辰十

二辰也是為六物也詩小弁正義

經八年秋蒐于紅

劉賈穎云蒐于紅不言大者言公大失權在三家也

正義

葬陳哀公

賈服以葬哀公之文在殺孔奭之下以為楚葬哀公

正義

傳石言於晉魏榆

服虔云魏晉邑榆州里名

正義。水經洞渦水注

甚哉其相蒙也

服虔曰蒙欺也

史記晉世家注

將往

服虔云將往者欲往到陳氏問助子良攻我意

正義

與嬖袁克殺馬毀玉以葬

服虔云一曰馬陳侯所乘馬玉陳侯所佩玉故殺馬

毀玉不欲使楚得之

正義

陳顓頊之族也

服虔曰陳祖虞舜舜出顓頊故為顓頊之族

史記陳世家注

而後陳卒亾

賈逵曰物莫能兩盛

史記陳世家注

自幕至于瞽瞍無違命

賈逵曰幕舜後虞思也至于瞽瞍無聞違天命以廢

絕者

史記陳世家注

鄭眾曰幕舜之先也

史記陳世家注

經九年夏四月陳災

賈服言愍陳不與楚故存陳而書之言陳尚為國也

正義正

傳宋華亥鄭游吉衛趙厲會楚子于陳

服虔以為此會宋鄭衛之大夫不書叔弓後也正義正

然丹遷城父人于陳以夸濮西田益之

服虔曰濮水名也水經濮水注

蒲姑商奄

服虔云蒲姑商奄濱東海者也蒲姑齊也商奄魯也

二十年傳曰蒲姑氏因之定四年傳曰因商奄之民

命以伯禽正義正

王有姻喪使趙成于周弔

服虔曰婦之父曰姻王之后喪父於王亦有服義故

往弔正義正

火水妃也

服虔云火離也水坎也易卦離為中女坎為中男故

火為水妃正義正

辰在子卯謂之疾日

賈逵云桀以乙卯日亥紂以甲子日亾故以為戒禮檀

弓釋文

孟僖子如齊殷聘

服虔云殷中也自襄二十年叔老聘於齊至今積二

十一年聘齊故中復盛聘。周禮大行人疏儀禮聘儀疏

經 十有二月甲子宋公成卒

賈服以為去冬刺不登臺視氣。公羊疏

傳 請斷三尺焉而用之

服註云斷三尺使至於較。周禮輿人疏

視民不佻

服虔云視民不偷薄。詩鹿鳴正義

傳 大蒐于比蒲

劉賈穎云書大者言大眾盡在三家。昭八年正義

仲孫獲會邾子盟于禋祥

服氏注引者直作詳無禋字。公羊疏

齊國弱

賈氏作齊國酌服氏作齊國弱。公羊疏

傳 鄭莊公城櫟而寘子元焉使昭公不立

鄭眾云子元即檀伯也厲公殺檀伯居櫟因櫟之眾

偪弱昭公使至殺死。正義

臣聞五大不在邊五細不在庭

賈逵云五大謂天子母弟貴寵公子公孫累世正卿

也。正義

鄭眾云天子晉申生居曲沃是也母弟鄭共叔段居京是也貴寵公子若棄疾在蔡是也貴寵公孫若無知食渠工是也累世正卿衛甯殖居蒲孫氏居戚是也五細賤妨貴少陵長遠間親新間舊小加大也不在庭不當使居朝廷為政也正義

齊渠工實殺無知

鄭眾以渠工為無知之邑正義

賈服取穀梁以為說曰其曰晉狄之也不正其與夷狄交代中國故狄稱之也正義

傳則日中而崩

鄭司農云窆謂葬下棺也周禮鄉師注又遂人注又春秋謂之塋皆葬下棺也聲相似賈公彥疏云窆塋封三者字雖不同皆是下棺也云聲相似者窆封塋皆以去聲言之故云聲相似也

更受三命

劉賈云春秋之序三命以上乃書於經正義

穎氏以為再命稱人正義

供養三德為善董遇本為共養

董遇解云盡其所以養成三德也正義

已乎已乎

服虔云已乎決絕之辭正義

僕析父從

賈逵曰析父楚大夫史記楚世家注

求鼎以為分

服虔云有功德受分器史記楚世家注

箠路藍縷路史記作露

服虔云箠露柴車素木輅也藍縷言衣敝壞其縷藍

藍然也史記楚世家注

跋涉山林

服虔曰草行曰跋水行曰涉史記楚世家注

唯是桃弧棘矢以其禦王事

服虔曰桃弧棘矢所以禦其災言楚地山林無所出

也史記楚世家注

齊王舅也

服虔曰齊呂伋成王之舅史記楚世家注

昔我皇祖伯父昆吾舊許是宅

服虔曰陸終氏六子長曰昆吾少曰季連季連楚之

祖故謂昆吾為伯父也昆吾曾居許地故曰舊許是

宅史記楚世家注

是能讀三墳五典八索九丘

賈逵曰三墳三皇之書五典五帝之書八索素王之
法九丘亾國之戒墳大也言三皇之大道孔子作春

秋素王之文也

正義。文選潘安仁閑居賦注

延篤言張平子說三墳三禮禮為人防爾雅曰墳大

防也書曰誰能典朕三禮三禮天地人之禮也五典

五帝之常道也八索周禮八議之刑索空空設之九

丘周禮之九刑丘空也亦空設之

正義

馬融說三墳三氣陰陽始生天地人之氣也五典五

行也八索八卦九丘九州之數也

正義

祭公謀父作祈招之詩

賈逵云祈求也招明也言求明德也

正義

馬融以圻為王圻千里王者游戲不過圻內昭明也

言千里之內足明德

正義

王是以獲沒於祇宮

馬融云圻內遊觀之宮也

正義。蔚案竹書祇宮在南鄭

傳

年十三

越大夫戮焉

王肅云越大夫常壽過也

正義

以聽國人

服虔曰聽國人欲為誰

史記楚世家注

將欲入鄢

服虔曰鄢楚別都也史記楚世家注

吾父再奸王命

服虔曰斷王旌執人于章華之宮史記楚世家注

獲其五帥帥史記作率

服虔曰五率蕩侯潘子司馬督躡尹午陵尹喜史記楚世家注

家注

乃使為卜尹

賈逵曰卜尹卜師大夫官史記楚世家注

乃與巴姬密埋璧於大室之庭

賈逵曰共王妾史記楚世家注

康王跨之

服虔曰兩足各跨璧一邊史記楚世家注

同惡相求如市賈焉

服虔曰謂國人共惡靈王者如市賈之人求利也史記楚世家注

楚世家注

無與同好誰與同惡

服虔曰言無黨于內當與誰共同好惡史記楚世家注

無覺而動可謂無謀

服虔曰言靈王尚在而妄動取國故謂無謀史記楚世家注

私欲不違

服虔曰不以私欲違民心史記楚世家注

齊桓晉文不亦是乎

服虔曰皆庶子而出奔史記楚世家注

有莒衛以為外主

賈逵曰齊桓出奔莒自莒先入衛人助之史記楚世家注

有國高以為內主

服虔曰國子高子皆齊之正卿史記楚世家注

從善如流

服虔曰言其疾也史記楚世家注

有先大夫子餘子犯以為腹心

賈逵曰子餘趙衰史記楚世家注

有齊宋秦楚以為外主

賈逵曰齊以女妻之宋贈之馬楚享以九獻秦送內

之史記楚世家注

有樂郤狐先以為內主

賈逵曰四姓晉大夫史記楚世家注

惠懷棄民

服虔曰皆棄民不恤史記楚世家注

使諸侯歲聘以志業間朝以講禮再朝而會以示威再

會而盟以顯昭明

賈逵服虔皆以為朝天子之法禮王制正義

子產爭承

鄭衆云爭所當奉承貢賦輕重正義

鄭伯男也而使從公侯之貢

鄭衆服虔云鄭伯爵在男服也正義○詩鄭譜正義

賈逵云男當作南謂南面之君也正義

王肅注鄭伯爵而連男言之猶言曰公侯足句辭也

正義

貢之無藝

服虔云藝極也一曰常也正義

傳十四 盟費人司徒老祁慮癸

服虔曰司徒姓也老祁字也慮癸亦姓字也二子季

氏家臣也正義

宥孤寡

服虔以宥為寬赦其罪正義

任良物官

賈逵云物官量能授官也正義

鄭衆云物官相其才之所宜而官之正義

乃施邢侯

服虔云施罪於邢侯施猶劫也邢侯亡故劫之正義

春秋內傳古法車在

不為末減曰義也夫為末者不為末者不為末

服虔讀減為咸下屬為句不為末者不為末

經十五年六月丁巳朔日有食之

劉歆以為三月魯衛分漢書五行志下下

傳吾見赤黑之祲其罪

皆服虔云水黑火赤水火相遇云云正義

辱必求之

服虔以辱從下讀訓之為欲正義

禮王之大經也

服虔云經常也常所當行也正義

經十六年楚子誘戎蠻子殺之

賈逵云楚子不名以立其子正義

傳幾為之笑而不陵我

服虔云幾近也孔張失位近為所笑正義

刑之頗類

服虔讀類為類解云頗偏也類不平也正義

立於朝而祀於家

服虔云祀其所自出之君於家以為大祖正義

其祭在廟

服虔以為其祭在廟謂孔張先祖配廟食正義

非不能事大字小之難

服虔斷字小之難以下為義解云字養也言事大國

易養小國難正義

不亦銳乎

服虔曰銳折也正義

經十七年六月甲戌朔日有食之

劉歆以為六月二日魯趙分漢書五行志下下

傳昔者黃帝氏以雲紀

服虔云黃帝受命得景雲之瑞故以雲紀事正義

故為雲師而雲名炎帝氏以火紀故為火師而火名共工氏以水紀故為水師而水名太皞氏以龍紀故為龍師而龍名

服虔云黃帝以雲名官蓋春官為青雲氏夏官為縉

雲氏秋官為白雲氏冬官為黑雲氏中官為黃雲氏

炎帝以火名官春官為大火夏官為鶉火秋官為西

火冬官為北火中官為中火共工以水名官春官為

東水夏官為南水秋官為西水冬官為北水中官為

中水大皞以龍名官春官為青龍氏夏官為赤龍氏

秋官為白龍氏冬官為黑龍氏中官為黃龍氏正義

五雉爲五工正

賈逵云西方曰鷩雉攻木之工也東方曰鷮雉搏埴之工也南方曰翟雉攻金之工也北方曰鷦雉攻皮之工也伊洛而南曰翬雉設五色之工也

正義

利器用正度量夷民者也

服虔云雉者夷也夷平也使度量器用平也

正義

九扈爲九農正

賈逵云春扈分循相五土之宜趣民耕種者也夏扈竊趣民耘苗者也秋扈竊藍趣民收斂者也冬扈竊黃趣民蓋藏者也棘扈竊丹爲果馭鳥者也行扈

啗啗晝爲民驅鳥者也宵扈嘖嘖夜爲農馭獸者也桑扈竊脂爲蠶馭雀者也老扈鷩鷩趣民收麥令不得晏起者也

正義

賈服皆云鷩鷩亦聲音爲名也

正義

自顓頊以來不能紀遠乃紀于近爲民師而命以民事服注云自少皞以上天子之號以其德百官之號以其徵自顓頊以來天下之號以其地百官之紀以其

事

禮月令正義

天子失官學在四夷

王肅云郊中國也故吳伐邾季文子歎曰中國不振

旅蠻夷入伐吾土無日矣孔子稱學在四夷疾時學
廢也鄭少暉之後以其世則遠以其國則小矣魯周
公之後以其世則近以其國則大矣然其禮不如鄭

故孔子發此言也正義

晉荀吳帥師涉自棘津

服虔曰棘津猶孟津也水經河水注

今茲火出而章必火入而伏

服虔注本火出而章必火火入而伏重火別句正義

孫毓云賈氏舊文無重火字正義

傳十八是昆吾稔之日也

鄭司農注春秋以為五行子卯自刑禮檀弓下正義

梓慎登大庭氏之庫以望之

先儒舊說皆云炎帝號神農氏一曰大庭氏正義

服虔云四國次有火氣也梓慎不言夜望安知望次

陳獨無次何所望哉正義

注云大庭氏古亾國之君在黃帝前其處高顯周禮誦訓

疏

弗良及也

服虔云弗良及者不能及也正義

使子寬子上巡羣屏攝

鄭眾云攝攝束茅以為屏蔽正義

禳火于冥回祿正義

先儒注左傳者皆云回祿火神正義

邠人藉稻

服虔曰藉耕種於藉田也正義

今執事擗然授兵登陴

服虔曰擗然猛貌也正義

傳十九楚子之在蔡也

賈逵云楚子在蔡為蔡公時也正義

費無極為少師

服虔曰楚大夫史記楚世家注

若大城城父而冥大子焉

服虔曰城父楚北境史記楚世家注

札瘥天昏

鄭司農云札謂疾疫死也越人謂死為札周禮司關注

賈逵言大死曰札小疫曰瘥短折曰夭未名曰昏正義

懼隊宗主

服虔云祔主藏於宗廟故曰宗主正義

寡君與其二三老曰

服虔云二三老駟偃家臣正義

春秋內傳古法輯存

經年二十曹公孫會自鄆出奔宋

賈逵云前此以鄆叛也叛便從鄆而出叛不告故不

書賈又云所以華亥向寧射姑等不見有玉帛來聘

者以其時未為卿也正義

傳春王二月己丑日南至

服虔云梓慎知失閏二月冬至故獨以二月望氣正義

奮揚使城父人執已以至

服虔云城父人城父大夫也正義

相從為愈

服虔云相從愈於共死正義

彼將有他志

服虔曰欲取國史記吳世家注

乃見鱗設諸焉

賈逵曰吳勇士史記吳世家注

琴張問宗魯死

賈逵鄭眾皆以為子張即顓孫師正義

服虔云案七十子傳云子張少孔子四十餘歲孔子

是時四十知未有子張鄭賈之說不知所出正義

君盍誅於祝固史嚚以辭賓

服虔云祝固齊大祝史嚚大史也謂祝史之固陋嚚

春秋內傳古法輯存

下冊

卷

二酉齋

閻不能盡禮薦美至於鬼神怒也正義

上下無怨

服虔云上下謂神人無怨正義

一氣

服云歌氣也釋文

六律七音

服註云七律謂七器音黃鐘為宮林鐘為徵太簇為商南呂為羽姑洗為角應鐘為變宮蕤賓為變徵外傳云武王克商歲在鶉火月在天駟日在析木之津辰在斗柄星在天龍鶉火及天駟七列也南北之揆

七月也鳧氏為鐘以律計自倍半一縣十九鐘鐘七律十二縣二百二十八鐘為八十四律此一歲之閏

數周禮小胥疏

八風

賈逵云兌為金為閭闔風也乾為石為不周風也坎為革為廣莫風也艮為匏為融風也震為竹為明庶風也巽為木為清明風也離為絲為景風也坤為土

為涼風也正義

古之遺愛也

賈逵曰愛惠也史記鄭世家注

經

二十一年宋華亥向寧華定自陳入于宋南里以叛

賈逵云書入華緇兄弟作亂召而逆之正義

賈氏云穀梁曰南鄙公羊疏。葢案今本穀梁亦作南里是出後人更改非穀梁真也

本也

七月壬午朔日有食之

劉歆以為五月二日魯趙分漢書五行志下

傳亟言之

服虔云亟疾也疾言之欲使信正義

先人有奪人之心

註云戰氣未定故也周禮大司馬疏

後人有待其衰

註云待敵之衰乃攻周禮大司馬疏

而不能送亾君請待之

服虔以君上屬正義

孫毓以君下屬正義

干犂御呂封人豹

王肅董遇竝云呂封人華豹正義

曰不狎鄙

服虔云狎更也子城謂華豹曰不更射為鄙一曰城

言我不狎習故鄙正義

經二十有二月癸酉朔日有食之

傳劉歆以為十月楚鄭分漢書五行志下下

傳王子朝

賈逵云景王之長庶子史記周本紀注

王與賓孟說之欲立之

賈逵云賓孟子朝之傳也王愛子朝因愛其傳故朝

起竝有罷于景王也與賓孟竝談說之欲立朝為太

子正義

王弗應

賈逵以為太子壽卒景王不立適子鄭衆以為壽卒
王命猛代之後欲廢猛立朝耳服虔以賈為然正義

敬王即位

賈逵曰敬王猛母弟史記周本紀注

晉箕遺樂徵右行詭濟師取前城

服虔曰前讀為泉周地也水經伊水注

經二十三年戊辰吳敗頓胡沈蔡陳許之師于鷄父

賈逵云不國國書師惡其同役而不同心正義

服虔云不書楚楚諱敗不告正義

傳王師在澤邑

賈逵曰澤邑周地也史記周本紀注

使各居一館

賈逵云使邾魯大夫各居一館鄭眾云使叔孫子服回各居一館邾魯大夫本不同館無為復言使各居一館也欲分別叔孫與子服回不得相見各聽其辭耳服虔云賈氏近之正義

戊辰晦戰于鷄父

賈氏云泓之戰譏宋襄故書朔鄆陵之戰譏楚子故書晦鷄父之戰夷之故不書晦正義

明其伍侯伍賈服王董皆作五

賈逵云五侯五方之侯也敬授民時四方中央之侯正義

王云五侯山侯林侯澤侯川侯平地侯也正義

董云五侯侯四方及國中之姦謀也正義。蔚案杜破五為伍無據

經 二十四年 仲孫貜卒

服虔載賈逵語云是歲孟僖子卒屬其子使事仲尼仲尼時年三十五正誼。史記孔子世家注

五月乙未朔日有食之

劉歆以為二日魯趙分是月斗建辰漢書五行志下下

傳 及鍾離而還

服虔曰鍾離州來西邑也史記吳世家注

經五年叔詣公羊作叔倪

左氏經賈注者作叔詣公羊疏

有鸚鵡來巢

劉歆以為羽蟲之孽其色黑又黑祥也視不明聽不

聰之罰也漢書五行志中下

七月上辛大雩季辛又雩

劉歆以為時后氏與季氏有隙又季氏之族有淫妻為讒使季平子與族人相惡皆共譖平子子家駒諫曰讒人以君微幸不可昭公遂伐季氏為所敗出奔

齊漢書五行志中上

賈云上辛不注是也正義

傳五牲

服虔云牲麇鹿熊狼豕正義

三犧

服虔云三犧鴈鶩雉也正義

民有好惡喜怒哀樂生于六氣

賈逵云好生于陽惡生于陰喜生于風怒生于雨哀

生于晦樂生于明正義。詩烝民正義作服虔注說同

師已日異哉吾聞文成之世

賈逵曰師已魯大夫也文成魯文公成公史記魯世家注

季氏介其鷄

賈逵云擣芥子為末播其鷄翼可以至正邠氏鷄目義

鄭眾云介甲也為鷄着甲正誼。儀禮少牢饋食禮疏

邠氏為之金距

服虔曰金距以金錯距史記魯世家注。儀禮少牢饋食禮疏

臧昭伯之從弟會

賈逵曰昭伯臧孫賜也史記魯世家注

拘臧氏老

服虔曰老臧氏家之大臣史記魯世家注

清囚于費

服虔曰鄆季氏邑史記魯世家注

請以五乘亾

服虔曰言五乘自省約以出史記魯世家注

公使邠孫逆孟懿子

賈逵曰懿子仲孫何忌史記魯世家注

公徒釋甲執冰而踞

賈逵云冰積丸蓋也正義。詩太叔于田正義

齊侯圍鄆

賈逵云欲取以居公不書圍鄆人自服不成圍正義

經二十六年三月公至自齊居于鄆

賈云季氏示欲為臣故以告廟正義正

傳齊侯取鄆

賈逵云魯邑史記魯世家注

服虔以為往年齊侯取鄆實圍鄆耳經于圍書取傳

實其事故於是言取正義正

申豐從女賈史記女作汝

賈逵曰申豐汝賈魯大夫史記魯世家注

粟五千庾

賈逵曰十六斗為庾五千庾八萬斗史記魯世家注

魯人買之百兩一布

鄭司農云或曰布泉也周禮載師注

然據有異焉

服虔曰異猶怪也史記魯世家注

劉子以王出

服虔云出成周也正義正

昔武王克殷

服虔王肅竝注云文王受命武王伐紂故曰文武克

殷正義正

諸侯釋位以間王政

服虔曰言諸侯釋其私政而佐王室魏志武帝本紀注

咸黜不端

王肅云咸皆也正義文王受命先王外...

規求無度服王孫本規作玩俗本作規

服王孫皆注云玩貪也正義

美哉室其誰有此乎

服虔曰景公自恐德薄不能久享齊國故曰誰有此

也史記齊世家注

傳二十七年使公子掩餘公子燭庸帥師圍潛

賈逵云二公子皆吳王僚之弟史記吳世家注正義

使延州來季子聘于上國

服虔云上國中國也蓋以吳辟在東南地勢卑下中

國在其上流故謂中國為上國也正義

以觀諸侯

服虔曰察疆弱史記吳世家注

王尹麋定本王作工

服虔云王尹主宮內之政正義

左司馬沈尹戌帥都君子與王馬之屬以濟師

賈逵云都君子在都邑之士有復除者正義

此時也

賈逵曰時言可殺王時也史記吳世家注

上國有言

賈逵云上國中國也正義

服虔云上國謂上古之國賢士所言也正義

不索何獲

服虔曰不索當何時得也史記吳世家注

我王嗣也

服虔云夷昧生光而廢之僚者夷昧之庶兄夷昧卒

僚代立故光曰我王嗣也正義

季子雖至

王肅曰聘晉還至也史記吳世家注

母老子弱

服虔曰母老子弱專諸托其母子于光也史記吳世家注

王肅曰專諸言王母老子弱也史記吳世家注

是無若我何

彭仲博云當言是無我若何我母無我當如何我字

當在若上正義

我爾身也

服虔曰言我身猶爾身也史記吳世家注

鱗設諸寘劍於魚中以進

服虔曰全魚炙也史記吳世家注

鉞交于胷

賈逵曰交專諸胷也史記吳世家注

以待天命

服虔曰待其天命之終也史記吳世家注

復命哭墓

服虔曰復命於僚哭其墓也史記吳世家注

取五甲五兵

服虔云兵戟也正義

遂弗蒸也令尹炮之

服虔云民不肯蒸也鄢將師稱令尹使女燔炮之正義

使宰獻而請安

服虔云主人請安謂主人使司正請安于賓正義

傳二十八年昔有仍氏生女黥黑而其美光可以鑑名曰

妻

服虔云髮美為鬢詩云鬢髮如雲言其美長而黑以

髮美故名妻詩君子偕老正義。正義

貪恡無饜忿類無期謂之封豕

賈逵云恡者食也其人貪者財利飲食無知饜足忿

怒狼戾無有期度時人謂之大豬正義

服虔云忿怒其類以饜其私無期度也

正義

心能制義曰度

服虔曰心能制事使得其宜言善揆度事也

詩皇矣正義

德正應和曰莫

服虔云在已為德施行為音發號施令天下皆應和

之言皆莫然而定無謹諱也

詩皇矣正義

照臨四方曰明

服虔云豫見安危也

詩皇矣正義

教誨不倦曰長

服虔曰教誨人以善不懈倦言善長人以道德也

詩皇矣

矣正義

慈和徧服曰順

服虔云上愛下曰慈和中和也為上而愛下行之以

中和天下徧服從而順之

詩皇矣正義

擇善而從之曰比

服虔云比方損益古今之宜而從之

詩皇矣正義

經緯天地曰文

服虔云德能經緯順從天地之道故曰文

詩皇矣正義

傳二十九年稱主君

服虔曰大夫稱主比公於大夫故稱主君

史記魯世家注

故國有豢龍氏有御龍氏

服虔曰豢養也穀食曰豢御亦養也養馬曰圉禮養

犬豕曰豢

正義。史記夏本紀注

帝賜之乘龍河漢各二

服云河漢各二乘

釋文

服虔曰四頭為乘四乘十六頭也

正義

其後有劉累

服虔曰后劉累之為諸侯者夏后賜之姓

史記夏本紀注

以更豕韋之後

賈逵曰劉累之後至商不絕以代豕韋之後祝融之

後封于豕韋殷武丁滅之以劉累之後代之

史記夏本紀注

夏后饗之既而使求之懼而遷于魯縣

賈逵曰夏后既饗而又使求致龍劉累不能得而懼

也

史記夏本紀注

官宿其業

服虔云宿思也今日當預思明日之事如家人宿火

矣

正義

鬱湮不育

賈逵云鬱滯也湮塞也育生也

正義

木正曰句芒火正曰祝融金正曰蓐收水正曰冥土

正曰后土

賈逵云總言萬物句芒非專木生如句正義

賈逵云夏陽氣明朗祝甚也融明也亦以夏氣為之

名耳正義

賈逵云句芒祀于戶祝融祀於竈蓐收祀于門 冥

祀于井后土祀于中霤正義

龍水物也水官棄矣故龍不生得

漢氏先儒說左氏者皆以為五靈配五方龍屬木鳳屬火麟屬土白虎屬金神龜屬水其五行之次木生火火生土土生金金生水水生木王者修其母則致

其子水官修則龍至木官修則鳳至火官修則麟至土官修則白虎至金官修則神龜至故為其說云祝明禮修而麟至思睿信立而白虎擾言從義成而神龜在沼聽聰知正而名川出龍貌共體仁則鳳凰來儀皆修其母而致其子也解此龍水物者言龍為東方之獸是北方水官之物也水官廢矣故龍不生得言母不修故子不至也正義

其同人

服虔云天在上火炎上同于天天不可同故曰同人

正義

遂濟窮桑

賈逵云處窮桑以登為帝故天下號之曰窮桑帝濟

度也言四未子孫世不失職遂度少皞之世正義

有烈山氏之子曰柱為稷

賈逵曰烈山炎帝之號正義

遂賦晉國一鼓鐵以鑄刑鼎

服虔云鼓量名也曲禮曰獻米者操量鼓取晉國一

鼓鐵以鑄之正義

傳三十非公且徵過也

服虔云非公且徵過昭公無道久在外季氏非公不

肯釋言公在某地春秋之義亦以不書徵季氏之過

此年書者公不得入晉外內有困辱季氏閔而釋之

所謂事君如在國按明年傳云言不能外內又明年

傳云言不能外內又不能用其人皆是傳說經意非

責昭公不是季氏非公也正義

經三十一年十二月辛亥朔日有食之

劉歆以為二日宋燕分漢書五行志下下

傳季孫練冠麻衣跣行

王肅云示憂戚史記魯世家注

不絕季氏而賜之死

服虔曰言賜不使死是為以死賜之正義

是夜也趙簡子夢童子羸而轉以歌曰占之史墨曰吾夢如是今而日食何也對曰六年及此月也吳其入郢乎終亦弗克入郢必以庚辰日月在辰尾庚午之日日始有謫火勝金故弗克

服虔曰史墨晉史蔡墨史記魯世家注

服氏云是歲歲在析木後六年在大梁大梁水宗十一月日在星紀為吳國分楚之先顓頊之子老童老童楚象行歌象楚走吳姬姓日月在星紀星紀之分姬姓吳也楚衰則吳得志吳世世與楚怨楚走去其

國故曰吳其入郢吳屬水水數六十月水位故月六年及此月也有適而食故知吳終亦不克又彼註云後六年定四年十一月閏餘十七閏在四月後其十一月晦晦庚辰吳入郢在立冬後復此月也十二月辛亥日會月於龍尾而食庚午日初有適故曰庚辰一曰日月在辰尾尾為臣是歲吳始用子胥之謀以代楚故天垂象又註云午火庚金也火當勝金而反有適故為不克晉諸侯之霸與楚同盟趙簡子為執政之卿遠夷將伐同盟日應之食故夢發簡子周禮

占夢疏

經三十公在乾侯取闕

賈逵云昭公得闕季氏奪之不用師徒謂此取闕為

季氏取于公也正義

冬仲孫何忌會晉韓不信齊高張宋仲幾衛世叔申鄭

國參曹人莒人薛人杞人小邾人城成周

賈逵云魯有昭公難故會而不盟正義

傳不及四十年越其有吳乎越得歲而吳伐之必受其

凶

鄭司農云大歲所在歲星所居周禮保章氏注

賈逵云吳越同分而云越福吳凶者以吳先用兵故

反受其殃正義

服註歲星在星紀吳越之分野蔡復之歲歲在大梁

距此十九年昭十五年有事於武宮之歲龍度天門

龍歲星也天門在戌是歲越過故使今年越得歲龍

東方宿天德之貴神其在所之國兵必昌向之以兵

則凶吳越同次吳先舉兵故凶也或歲星在越分中

故云得歲史墨知不及四十年越有吳者以其歲星

十二年一周天存亾之數不過三紀三者天地人之

數故歲星三周星紀至 柎哀二十二年越滅吳至

此三十八年周禮保章氏疏

服氏以為有事于武宮之歲龍度天門謂十五年歲星從申越未而至午 家以周天十二次次別為百四十四分歲星每年行一百四十五分是歲星行一次外剩行一分積一百四十四年乃剩行一次故昭十五年得超一辰 昭九年正義

定公

傳元 晉魏舒合諸侯之大夫于狄泉

服虔言翟泉在洛陽東北周之墓地 水經穀水注

經三年春王正月公如晉至河乃復

賈逵云刺緩朝見辭失所不諱罪已 正義

傳有兩肅爽馬子常欲之

賈逵云色如霜純 正義

馬融說肅爽雁也其羽如練高首而脩頸馬似之天下稀有故子常欲之 正義。文選左太冲蜀都賦注。張景陽七命注。蔚案漢注

多舊典遺言疏所引者。一百之十一而已。賈逵

傳四 噴有煩言

賈逵云噴至也 正義

君行師從卿行旅從

服虔云謂會同 詩黍苗正義

將長蔡於衛

服虔曰載書使蔡在衛上史記蔡世家注

蔡叔康叔之兄也

賈逵等皆言蔡叔周公兄正義

封父之繁弱

鄭康成曰古者伐國遷其重器以與同姓此繁弱封父之國為之不知何時滅其國而得之也正義

備物典策

服虔云備物國之職物之備也當謂國君威儀之物若今繖扇之屬備賜魯也正義而封于少皞之虛

賈逵云少皞居窮桑登為帝蓋未為帝居魯北既為

帝乃居魯也正義

分康未以大路少帛綺蒺旃旌大呂

賈逵曰大路金路也少帛雜帛也綺蒺大赤也通帛

為旃析羽為旌大呂鐘名史記衛世家注

鄭眾曰綺蒺旃名也史記衛世家注

碁間王室

賈逵云碁毒間亂正義

楚子取其妹季芊畀我以出

服云畀我季芊之字釋文

服虔云季芊許嫁而字畀我季芊字也禮婦人許嫁
笄而稱字季芊稱字是許嫁也蓋遭亂夫死而改適

鍾建耳正義

王使執燧象以奔吳師

賈逵云燧火燧也象象獸也以火繫其尾使奔吳師

驚却其衆使王得脫正義

王奔鄖

服虔曰鄖楚縣史記吳世家注

平王殺吾父

服虔曰父曼成然史記楚世家注

以王奔隨

服虔曰隨楚與國也史記吳世家注

初伍員與申包胥友

服虔曰楚大夫王孫包胥史記楚世家注

經五年三月辛亥朔日有食之

劉歆以為十二月二日楚鄭分漢書五行志下下

歸粟于蔡

賈逵取公穀為說云不書所會後也正義

傳而自稷會之

賈逵曰楚地也史記楚世家注

子西問高厚焉

董遇云問城高厚丈尺也本或有小大者涉下文而

誤耳正義

城不知高厚小大何知

王肅斷小大何知為句注云如是小大何所知也正義

經六年仲孫忌

賈氏云公羊曰仲孫何忌者蓋誤公羊疏

傳君將以文之舒鼎鼎成之昭兆

賈逵云舒鼎鼎名昭兆寶龜正義

於是乎遷郢于都

服虔曰都楚邑史記吳世家注

經七年九月大雩

賈逵云旱也正義

傳齊人歸鄆陽關

服虔曰陽關魯邑史記魯世家注

經八年二月公侵齊三月公至自侵齊

賈氏云還至不月為曹伯卒月公羊疏

盜竊寶玉大弓

劉歆以來說左氏者皆以為夏后氏之璜封父之繁

弱成王所以分魯公也正義

傳主人出師奔

賈逵以為主人出魯師奔走而卻退言魯無戰備也

正義

魯於是始尚羔

賈逵云周禮公之孤四命執皮帛卿三命執羔大夫

再命執鴈魯廢其禮三命之卿皆執皮帛至是乃始

復禮尚羔

正義

鄭眾云天子之卿執羔大夫執鴈諸侯之卿當天子

之大夫故傳曰唯卿為大夫當執鴈而執羔僭天子

之卿也魯人效之而始尚羔記禮所從壞

正義

順祀先公而祈焉

服氏云自躋僖公以來昭穆皆逆

禮禮器正義

傳九年載蔥靈寢于其中而逃

賈逵云蔥靈衣車也有蔥有靈

正義

哲幘而衣狸製

服虔曰狸製狸裘也

詩七月正義

以五家免

服虔云是時齊克夷儀而有之既為齊有故齊得優

其為役也

正義

傳十年公會齊侯于祝其夾谷

服虔曰東海郡祝其縣也史記周本紀注

服虔曰地二名水經淮水注

若使萊人以兵劫魯侯必得志焉

服虔以為東萊黃縣是史記禹本紀注

日而不返我汶陽之田吾以其命者亦如之

賈逵云不書盟諱以三百乘從齊師正義正

且犧象不出門嘉樂不野合

鄭司農云明堂位曰犧象周尊也周禮司尊義注

服虔云犧象饗禮犧尊象尊也嘉樂鐘鼓之樂也詩鼓

鐘正義正

王肅以為犧尊象尊為牛象之形背上負尊正義正
齊人來歸鄆謹龜陰之田

服虔曰三田汶陽田也龜山名陰之田得其田不得

其山也史記魯世家注

傳十二年仲由為季氏宰

服虔曰仲由子路史記魯世家注

將墮三都

服虔曰三都三家之邑也史記孔子世家注

公與三子入于季氏之宮

服虔曰三子季孫孟孫叔孫也史記孔子世家注

入及公側

服虔曰人有入及公之臺側史記孔子世家注

仲尼命申句須樂頎下伐之

服虔曰申句須樂頎魯大夫史記孔子世家注

公斂處父謂孟孫墮成齊人必至于北門

服虔曰公斂處父成宰也史記孔子世家注

傳年十三晉趙鞅謂邯鄲午曰歸我衛貢五百家吾舍諸

晉陽

服虔曰往年趙鞅圍衛衛人恐懼故貢五百家鞅置

之邯鄲又欲更徙于晉陽史記趙世家注

父兄皆曰不可

服虔曰午之諸父兄及邯鄲中長老史記趙世家注

趙稷涉賓以邯鄲叛

服虔曰稷午子史記趙世家注

范臯夷無寵于范吉射

服虔曰范氏之側室子史記趙世家注

梁嬰父嬖於知文子

賈逵曰梁嬰父晉大夫也史記趙世家注

荀躒言於晉侯曰

服虔曰荀躒智文子史記趙世家注

今三臣始禍

賈逵曰范中行趙也

史記趙世家注

韓魏以趙氏為請

服虔曰以其罪輕于荀范也

史記趙世家注

傳

十四年

陳于樛李

賈逵曰樛李越地

史記吳世家注

使死士再禽焉

賈逵曰死士死罪人也

史記吳世家注

鄭眾曰死士欲以死報恩者也

史記吳世家注

衛侯為夫人南子召宋朝

賈逵曰南子宋女

史記衛世家注

會于洮

服虔以會于洮上屬為義言衛侯為夫人南子召宋

朝故與宋公會于洮

正義

謂戲陽速曰

賈逵曰戲陽速太子家臣

史記衛世家注

經

十五年

齊侯衛侯次于渠蔭

賈氏云欲救宋善恤鄰也

公羊疏

八月庚辰朔日有食之

劉歆以為六月晉趙分

漢書五行志下下

冬城漆

穎容曰漆有邾之舊廟正義正

哀公

傳元年使疆于江汝之間而還

服虔云蔡使楚進疆于故江國與汝水之間正義正

吳王夫差敗越于夫椒

賈逵曰夫椒越地史記吳世家注

保于會稽

賈逵曰會稽山名史記吳世家注

使大夫種因吳太宰嚭以行成

服虔曰行成求成也史記吳世家注

昔有過澆殺斟灌以伐斟鄩滅夏后相

賈逵曰過國名也斟灌斟鄩夏同姓也夏后相依斟

灌而國故曰殺夏后相也史記吳世家注

服虔曰夏后相啟之孫史記吳世家注

王肅云滅殺也古者滅殺尊卑同名正義正

后緡方娠

賈逵曰緡有仍之姓也史記吳世家注

歸于有仍

賈逵曰有仍國名后緡之家史記吳世家注

生少康焉

服虔曰后緡遺腹子

史記吳世家注

為仍牧正

王肅曰牧正牧官之長也

史記吳世家注

逃奔有虞

賈逵曰有虞帝舜之後

史記吳世家注

而邑諸綸

賈逵曰綸虞邑

史記吳世家注

有田一成有眾一旅

賈逵曰方十里為成五百人為旅

史記吳世家注

以收夏眾撫其官職

服虔曰因此基業稍收取夏遺民餘眾撫修夏之故

官憲典

史記吳世家注

祀夏配天

服虔曰以鮌配天也

史記吳世家注

不失舊物

賈逵曰物職也

史記吳世家注

越十年生聚

服虔云令少者無娶老婦老者無娶少婦女十七不

嫁男二十不娶父母有罪也將生子以告與之鑿饋

之餼也死者釋其征必哭泣葬埋如其子也孺子遊者必備歡之也非手所種夫人所織不用十年不收

於國正義

在軍熟食者分而後敢食

服虔云以其半分軍士而後自食其餘若簞醪注流

也正義

經二癸巳叔孫州仇仲孫何忌及邾子盟于句繹

服虔云季孫尊卿敵服先歸使二子與盟正義

晉趙鞅帥師及鄭罕達帥師戰于鐵

服引經罕達之下無帥師字公羊疏

傳子南僕

賈逵曰僕御也史記衛世家注

郢不足以辱社稷

服虔曰郢自謂已無德不足立以汚辱社稷史記衛世家注

三揖在下

鄭司農云卿大夫士皆君之所揖周禮司士注

服虔云三揖卿大夫士土揖庶姓時揖異姓天揖同

姓正義

八人衰經偽自衛逆者

服虔曰衰經為若從衛來迎太子也史記衛世家注

志父無罪

服云趙鞅入晉陽以畔後得歸改名志父春秋仍舊

猶書趙鞅

釋文

郵無郵御簡子

服虔云王良也

正義

衛大子禱曰

鄭司農云禱謂禱於天地社稷宗廟主為其辭也

禮周

大祝注

傳三年御公立于象魏之外

鄭司農云象魏闕也

周禮太宰注

孔子在陳聞火曰其桓僖乎

服虔云季氏出桓公又為僖公所立故不毀其廟又

云俱在迭毀故不言及

正義

召正常

服虔云召而問兒死意

正義

經四年亳社災

賈氏云公羊曰薄社也

公羊疏

傳襲梁及霍

服虔云梁霍周南鄙也

水經汝水注

與其五大夫以畀楚師於三戶

服虔云三戶漳水津也史記項羽本紀注

寘羣公子于萊

服虔曰萊齊東鄙邑史記齊世家注

萊人歌之曰景公死乎不與埋三軍之事乎不與謀師乎師乎何黨之乎

服虔曰萊人見五公子遠遷鄙邑不得與景公葬埋

之事及國三軍之謀故惑而歌師衆也黨所也言公

子徒衆何所適也史記齊世家注

傳六年遂及高張晏圍弦施來奔

服虔曰圍晏嬰之子史記齊世家注

潛師閉塗逆越女之子章

服虔曰閉塗不通外使也越女昭王之妾史記楚世家注

楚子使問諸周大史

鄭司農云大史主天道周禮大史注

服虔云諸侯皆有太史主周所賜典籍故曰周太史

一曰是時往問周太史正義

三代命祀祭不越望

服虔曰謂所受王命祀其國中山川爲望史記楚世家注

惟彼陶唐帥彼天常有此冀方今失其行亂其紀綱乃

滅而亾

賈服以為逸書解為夏桀之時正義

王肅云太康時也正義

八月齊邴意茲來奔陳僖子使召公子陽生

賈逵以傳文相連謂遣意茲來召又怪其日月錯誤

云其說未聞正義

使毛遷孺子於駘

賈逵曰齊邑史記齊世家注

傳七年吳來徵百牢

賈逵曰周禮王合諸侯享禮十有二牢上公九牢侯

伯七牢子男五牢史記吳世家注

太伯端委以治周禮

王肅云委貌之冠 端之衣也正義

知必危何故不言

服虔以上二句亦為孟孫之言謂諸大夫誠知伐邾

必危何故不早言也正義

魯擊柝聞於邾

鄭司農云柝戒守者所擊也周禮宮正注

曹人或夢衆君子立于社宮

賈逵曰社宮社也史記曹世家注

鄭衆曰社宮中有室屋者史記曹世家注

妄字誤作妾且此字
係孔正義而誤引今乃
不知黑白

服虔云眾君子諸國君妾耳正義正

賈逵曰以小加大史記曹世家注

傳九年遇水適火

服虔云兆南行適火卜法橫者為土立者為木邪向

經者為金背經者為火因兆而細曲者為水正義正

傳十年吳子三日哭于軍門之外

服虔曰諸侯相臨之禮史記吳世家注

侵及賴而還

服虔曰賴齊邑史記齊世家注

傳十一年公孫夏命其徒歌虞殯

賈逵曰虞殯遣殯歌詩正義正

猶獲石田也

王肅曰石田不可耕史記吳世家注

其有顛越不其則剝殄無遺育

服虔曰顛殞也越墜也顛越無道則割絕無遺也史記

吳世家注

屬其子于鮑氏

服虔曰鮑氏齊大夫史記吳世家注

使賜之屬鏹以死

春秋內傳古注輯字

下冊

二酉齋

服虔曰屬鏤劍名賜使自刎史記吳世家注

孔文子使疾出其妻而妻之

服虔曰文子衛卿也史記孔子世家注

胡篋之事

賈服注皆云夏曰胡正義

鳥則擇木木豈能擇鳥

服虔曰鳥喻已木以喻所之之國史記孔子世家注

季孫欲以田賦

賈逵以為欲令一井之間出一正之稅井別出馬二

匹牛三頭正義

經十二年 孟子卒

賈氏以為言孟子若言吳之長女也正義

傳公會吳于橐臯

服虔曰橐臯地名也史記吳世家注

若可尋也亦可寒也

服注云尋之言重也温也寒歇也亦可寒而歇之禮儀

有司

侯伯致禮地主歸餼

服虔云致賓禮於地主正義

經十三年 十有二月螽

春秋內傳左傳

下冊

二酉齋

劉歆以為周十二月夏十月也火星既伏蟄蟲皆畢
天之見變因物類之宜不得以蚤是歲再失閏矣漢書
五行志
中下

傳王惡其聞也

賈逵曰惡其聞諸侯史記吳世家注

自到七人於幕下

服虔曰以絕口史記吳世家注

乃先晉人

賈逵曰外傳曰吳先軟晉亞之先叙晉晉有信又所

以外吳史記吳世家注

經十四 西狩獲麟

說左氏者云麟生于火而遊于土中央軒轅大角之
獸孔子作春秋春秋者禮也修火德以致其子故麟
來而為孔子瑞也奉德侯陳欽說麟西方毛蟲金精
也孔子作春秋有立言西方兌兌為口故麟來許慎五經

異

賈逵服虔穎容等皆以為孔子自衛反魯考正禮樂

修春秋約以周禮三年文成致麟麟感而至取龍為

水物故以為修母致子之應正義

服虔注麟中央土獸土為信信禮之子修其母致其

子視明禮修而麟至思睿信立而白虎擾言從義成而神龜在沼聽聰知正則名川出龍貌恭性仁則鳳

鳳來儀

禮禮運正義

服虔云夫子以哀十一年自衛反魯而作春秋約之

以禮故有麟應而至

春秋序正義

小邾射以句繹來奔

賈逵云此下弟子所記

正義

服虔云春秋終于獲麟故小邾射不在三叛人中

弟子欲明夫子作春秋以顯其師故書小邾射以下

至孔子卒

春秋序正義

五月庚申朔日有食之

劉歆以為三月二日齊衛分

漢書五行志下下

傳西狩于大野叔孫氏之車子鉏商獲麟

賈逵云周在西明夫子道繫周

正義

服虔云言西者有意于西明夫子有立言立言之位

在西方故著于西也車車士微者也子姓鉏商名

正義

服虔曰大野藪名魯田圃之常處蓋今鉅野是也服

又曰車子微微者也鉏商名也

史記孔子世家注

王肅云車士將車者也子姓鉏商名

正義

以為不祥以賜虞人仲尼觀之曰麟也然後取之

服虔曰麟非時所常見故怪之以為不祥也仲尼名
之曰麟然後魯人乃取之也明麟為仲尼至也史記
孔子

世家注
正義

闕止有寵焉

賈逵曰闕止子我也

史記齊
世家注

諸御鞅言于公

賈逵曰鞅齊大夫也

史記齊
世家注

子我夕

服虔曰夕省事

史記齊
世家注

陳逆殺人逢之

服虔曰子我將往夕省事於君而逢逆之殺人也

史記

齊世
家注

陳氏方睦

服虔曰陳常方欲謀有齊國故和其宗族

史記齊
世家注

使疾而遺之潘林

服虔曰使陳逆詐病而遺也

史記齊
世家注

子我盟諸陳于陳宗

服虔曰子我見陳逆得生出而恐為陳氏所怨故與

盟而請和也陳宗宗長之家

史記齊
世家注

初陳豹欲為子我臣

賈逵曰豹陳氏族也史記齊世家注

使公孫言已

賈逵曰公孫齊大夫也史記齊世家注

對曰我遠于陳氏矣

服虔曰言我與陳氏宗疏遠也史記齊世家注

且其違者不過數人

服虔曰違者不從子我者史記齊世家注

彼得君弗先必禍子

服虔曰彼謂闕止也子謂陳常也史記齊世家注

子行舍於公宮

服虔曰止于公宮為陳氏作內間也史記齊世家注

成子兄弟四乘如公

服虔曰成子兄弟八人二人共一乘故曰四乘史記齊世家注

注家

出逆之遂入閉門

服虔曰成子兄弟見子我出遂突入反閉門子我不

得復入史記齊世家注

待人禦之

服虔曰闔監以兵禦陳氏史記齊世家注

子行殺侍人

服虔曰舍于公宮故得殺之史記齊世家注

公與婦人飲酒于檀臺成子遷諸寢

服虔曰當陳氏入時飲酒於此臺又曰欲從公令居

寢也史記齊世家注

太史子餘曰

服虔曰齊大夫史記齊世家注

將出

服虔曰出奔也史記齊世家注

有如陳宗

服虔云陳宗先祖鬼神也正義

屬徒

服虔曰會徒眾史記齊世家注

攻闈與大門

服虔曰宮中之門曰闈大門公門也史記齊世家注

適豐上

賈逵曰豐上陳氏邑也史記齊世家注

殺諸郭關

服虔曰齊關名史記齊世家注

成子將殺大陸子方

服虔曰子方子我黨大夫東郭賈也史記齊世家注

何以見魯衛之士

服虔曰子方將欲奔魯衛也史記齊世家注

陳恒執公于舒州

賈逵曰陳氏邑也史記齊世家注

傳年十五將以尸入

服虔曰在牀曰尸在棺曰柩正義

書社五百

服虔曰書籍也史記孔子世家注

舍于孔氏之外圃

服虔曰圃園史記衛世家注

二人蒙衣而乘

服虔曰二人謂良夫大子蒙衣謂婦人之服以巾蒙

其頭而共乘也史記衛世家注

孔氏之老樂寧問之

服虔曰家臣稱老問其姓名史記衛世家注

稱姻妾以告

賈逵曰婚姻家妾也史記衛世家注

遂入適伯姬氏

服虔曰入孔氏家適伯姬所居史記衛世家注

孔伯姬杖戈而先

春秋內傳古注輯字

下冊

卷二 西齋

服虔曰先至孔悝所史記衛世家注

介與殺從之

賈逵曰介被甲也與豶豚欲以盟史記衛世家注

遂劫以登臺

服虔曰於衛臺上召衛羣臣史記衛世家注

使告季子

服虔曰季路為孔氏邑宰故告之史記衛世家注

召獲駕來車獲史記作護

服虔曰召護衛大夫駕乘車不駕兵車也言無距父之意史記衛世家注

行爵食炙

服虔曰欒甯使召季路乃行爵食炙史記衛世家注

奉衛侯輒來奔

服虔曰召護奉衛侯史記衛世家注

遇子羔將出

賈逵曰子羔衛大夫高柴孔子弟子也將出奔史記衛世家注

家注

弗及不踐其難

賈逵曰言家臣憂不及國不得踐履其難史記衛世家注

鄭眾曰是時輒已出不及事不當踐其難子羔言不

及以為季路欲死國也史記衛世家注
食焉不辟其難

服虔曰言食悝之祿欲救悝之難此明其不死國也史記衛世家注

公孫敢門焉曰母入為也

服虔曰公孫敢衛大夫言輒已出無為復入史記衛世家注
必或繼之

王肅曰必有繼續其後攻太子史記衛世家注

下石乞孟壓敵子路

服虔曰二子崩躓之臣敵當也史記衛世家注

冠不免

服虔曰不使冠在地史記衛世家注

傳十六年公誅之曰

鄭司農云誅謂積累生時德行以錫之命主為其辭也周禮大祝注

稱一人非名也

服虔曰天子自謂一人非諸侯所當名也史記孔子世家注

使處吳竟為白公

服虔曰白邑名楚邑大夫皆稱公史記楚世家注

請以戰備獻

服虔曰欲陳士卒甲兵如與吳戰時所入獻捷正義
而以王如高府

賈逵曰高府府名也史記楚世家注

負王以如昭夫人之宮

服虔曰昭王夫人惠王母越女也史記楚世家注

傳十七年紫衣狐裘

賈逵云紫衣君服正義

國子實執齊柄

服虔曰秉權柄也史記蔡澤傳注

如魚窺尾衡流而方羊裔焉

鄭眾以為魚勞則尾赤方羊遊戲喻衛侯淫縱正義
汝濱正義

賈逵云窺赤也魚勞則尾赤橫流方羊不能自安裔

水邊言衛侯將若此魚正義

服氏以為魚勞詩汝墳正義

公登城以望見戎州

賈逵曰戎州戎人之邑史記衛世家注

立公子起

服虔曰起靈公子史記衛世家注

傳二十二年吳公子慶忌驟諫吳子

服虔曰驟數也

詩將仲子正義

傳

二十年請使吳王居甬東

賈逵曰甬東越東鄙甬江東也

史記吳世家注

傳

二十年是躧言也

服虔云躧偽不信言也

釋文

餽臧石牛

服氏云牲生

儀禮聘禮疏

傳

二十年衛侯出奔宋

服虔云此下但有適城鉏以鉤越無奔宋之事

正義

傳

二十年故君臣多間

賈逵曰間隙也

史記魯世家注

公游于陵阪

服虔曰陵阪地名


史記魯世家注

春秋內傳古注輯存下冊終

春秋左傳古注輯存

卷之二十一

十一



卷一